

長鯨碩鼠夫固有致之者予忝民牧敢委罪焉觸目惕
心省躬減食告於神人告於監司以乞民命癸丑日始
得請趣勘受災處甲寅往洪道已不可陸矣南出文昌
門由洋瀾放舟過石盤渡橋橋在水底惟柱露水禽伺
魚立焉舟行或屋脊或樹杪非復地中故道遂由江往
訴江防道戢公以情懇之越明日旋舟由黃石港入西
湟湖過走馬石馬已半浴水中所經爲洪道下鄉水皆
倒流蓋江波泛溢無所歸也復由琵琶湖入洋瀾憩於
公署己未出縣南迤西爲懷坡門門外卽西山山之北